



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Summae seu Manualis Doct. Navarri

**Ávila, Esteban de
Azpilcueta, Martín de**

Lvgdvni, 1609

Residentia.

urn:nbn:de:hbz:466:1-41656

reuocauerit. cap. 27. num. 136. Quod habet locum tam in iis quæ iniuste conceduntur quàm in iis quæ iuste, contra gentem vel ciuitatem, vnde est clericus, vel Ecclesia.

Concedere repressalias, pertinet ad Superiorem concedentem; & extendere, ad inferiorem, cui conceditur.

Qui concedit eas contra bona vnius clerici, propter sibi debita, iudicans hoc committere, non incidit in censuram. Sed ob debita clerici vnius Episcopatus, non possunt concedi contra bona alterius clerici eiusdem Episcopatus. cap. 27. num. 136.

RESIDENTIA.

CIRCA residentiam statuit Tridentina sequentia.

Episcopus vel eo Superior sine iusta causa sex menses absens ab Episcopatu amittat quartam partem. Si alios sex menses, alteram quartam partem. Si ultra, denuntietur Papa. Beneficiarij cogantur residere si requiritur eorum presentia personalis. Præuilegium in absentia percipiendi fructus nulli profit, nisi de rationabili causa ab ordinario approbanda, fuerit concessum: et tunc pro illius absentia alius ab Episcopo

Episcopo substituat, cum stipendio assignato fructuum. Causa licita absentia Episcopi approbetur à Papa, vel à metropolitano, vel ab Episcopo antiquiori, à quo etiam Metropolitanus approbetur. Absentia ob bonum reipub. Episcopatus adiunctum licita est. Item absentia, per duos aut tres menses, Episcopi, eius conscientia relinquatur. Ultra hos absens non retinet bona conscientia fructus, nec debet frui eis. Quod etiam procedat ad Beneficiarios curatos: qui si licitè & cum licentia Episcopi abfuerint, provideatur pro eis alius Substitutus, cum debita mercede. Licentia absentia ultra bimestre nisi ex gravi causa & gratis non detur. cap. 25. num. 121.

Parochus cum iusta causa potest abesse etiam sine licentia scripta. Quodlibet beneficium etiam tenue exigit residentiam. Et peccat mort. qui non residet in beneficio sine iusta causa. Quinque causæ possunt excusare absentem. I. auditio Theologiæ vel iuris pontificij ad quinquennium, vel prælectio utriusque quamdiu duraverit. II. Obsequium Episcopi, vel Ecclesiæ. III. Obsequium Papæ. IV. Legitima licentia. V. consuetudo honesta. cap. 25. num. 121.

Qui beneficiarius abest, curet ne beneficium fraudetur obsequio: & qui sine licentia, vel causa iusta non residet, peccat, & tenetur.

netur restituere secundum Trident. nu. 11.

Residentia Episcopi, & parochi est de iure diuino. ibidem. post medium.

Capellani Regis non residentes gaudent fructibus sicut Capellani Papæ, si habent eadem priuilegia. Ibidem.

Maior absentia permittitur dignitatibus & Canonicis quàm parochis. num. 136.

RESTITVTIO I.

in se.

RESTITVTIO est actus iustitiæ commutatiue quo redditur alteri quod suum est. Et est duplex: Formalis, quæ est reddere alij quod suum est, vel iustè ei debetur: virtualis, quæ est reddere alteri condonationes & satisfactionem. cap. 17. num. 6, & 11.

Restitutionis necessitas, & obligatio nascitur ex violatione legum iustitiæ veræ & specialis, quæ transgressio per se ordinatur ad oblationem rei alienæ: non tamen oritur ex transgressione charitatis, & aliarum virtutum à tali iustitiâ distinctarum, quia per se non ordinantur ad talem rei ablationem. cap. 17. num. 11.

RESTI